

## Istiyaama Cimsuuf

### Description

Torbaan darbee hiika istiyaama ilaalle turre. Yaadachisaaf istiyaama jechuun karaa qajeelaa fi haqaa Islaamaa irratti gadi dhaabbachuu fi itti fufuudha.

### Gufuwwan Istiyaama

Istiyaaman dhaabbannaa lama qaba. Dhaabbannaan tokkoffaan As-sadaad (karaa qajeela irratti qajeela ta'uu, gadi dhaabbachuu). Dhaabbannaan lamaffaan immoo al-muqaaraba (karaa qajeelatti dhiyaachu). Namtichi dhaabbannaa lamaan kanniin irraa gorraan ykn jallanaan, ni hoonga'a. Dhaabbanna kanniin lamaan ibsuuf fakkeenya kana fudhachuu dandeenya. Akkuma fakkii armaan olii irratti mul'atu, namni yommuu tuqaa barbaade waraanuf xiyya itti alaameefatu (darbatu) takkaa tuqaa boora barbaade san waraanu qaba (as-sadaad) takkaa immoo tuqaa sanatti dhiyaachu qaba (al-muqaaraba). Kana jechuun takkaa hojii hojjatu, dubbii dubbatu keessatti sirrii ta'uu (**Tuqaa alaamaa rukutu**). Takkaa immoo hojii hojjatu fi dubbii dubbatu keessatti sirrii (correct) ta'uuf tattaafachu (**tuqatti dhiyaachu**). Kanniin lamaan keessaa yoo baye daangaa darbee ykn kaayyoo ofitirraa gore jedhama.

Kanaafu, haqa irratti gadi dhaabbachuuf takkaa tuqaa san dhahuu (as-sadaad) ta'uu takkaa immoo tuqaa sanatti dhiyaachu qabna. Eeti, karaa haqaa irratti gadi dhaabbachuuf namni tokko takkamaan tuqaa barbaade san gahuu hin danda'u. Garuu sadarka sadarkanii fi adeemsaf carraaqqi guyya guyyaatin tuqaa san rukutu danda'a ykn itti dhiyaachu danda'a. Gufuwwan tuqaa san akka hin rukutne ykn itti hin dhiyaanne nu taasisan maal fa'aa? Muraasni isaanii:

**1.Dogongora**– karaa qajeelaa irratti gadi dhaabbachuuf yommuu taattafannu, tasa ni dogongora. Ergasii ijannoo fi kaka'uumsi keenya ni laamsheya. Dhumarratti, inuma hojii san dhiisun xumurama. Akka fakkeeniyatti, namni tokko salaata ni salaata. Tarii salaata kana keessatti dogongoru danda'a. Ulaagaalee fi harkaana salaataa keessa tokko dogongoraan hanqisuu danda'a. Namni tokko dhufe gorsuu dhiise isa arrabsuu danda'a. Yeroo kanatti namtichi gara salaata dhiisutti deema. Yoo akkana godhe dhaabbannaawwan lamaan istiyaamaa irraa bu'ee jechuudha.



)

Kanaafu, hojii ofitiin of dinqisiifachuu fi namoota tuffachuun istiqamaa irraa akka mucucaatan nama taasisa. Hojii gaarii nama jalaa balleessa. Yeroo hundaa hojiin keenya xiqqaa akka ta'ee fi ibidda irraa akka nu hin baraarre yaadun, rahmata Rabbii kajeelu qabna, ofi gadi qabuu qabna. Sababa of-tuuluu fi of dinqisiifachuutin hojii keenya akka nu jalaa hin banne sodaachun of gadi qabuuf tattaafachu qabna. Hojii gaariin of dhaadachuu hin qabnu.

**4.Dhiibbaa maatii, hiriyyoota, midiyaa fi naannoo** – daandii istiqamaa irra deemuf yommuu tattaafannu, maatiin, hiriyyoonni, midiyaa, naannoo fi kkf dhiibbaa guddaa nutti fidu. Dhiibban isaanii kuni negaativii (miidhaa kan qabu) ykn posootivi (bu'a-qabeessa) ta'uu danda'a. Maatiin keenya amantii kan hin jabeessinee fi daandii irra kan jallatan yoo ta'an, nutis akka isaanii ta'uun of balleessu hin qabnu.

Akkasuma hiriyyaan jaalalle godhanne daandii istiqamaa irraa nu jallisuu danda'a. Namni sababa hiriyyaatin jallate Guyyaa Qiyaamaa akkana jedha:

**“Yaa badii kiyya! odoo ebaluun jaalalle onnee taasifachuu baadhee maal qabaa! Dhugumatti Gorsii (Qur'aanni) erga natti dhufee booda irraa na jallisee jira; sheyxaannis namaaf salphisaa ta'eera.”** Suuratul Furqaan(25):28-29

Lubbuu teenya fi maatii keenya ibidda irraa akka tiiksun, Rabbiin itti ajaja:

يَأَيُّهَا الَّذِينَ ءَامَنُوا قُوا أَنفُسَكُمْ وَأَهْلِيكُمْ نَارًا وَقُودُهَا النَّاسُ  
وَالْحِجَارَةُ عَلَيْهَا مَلَائِكَةٌ غِلَظٌ شِدَادٌ لَا يَعْصُونَ اللَّهَ مَا أَمَرَهُمْ  
وَيَفْعَلُونَ مَا يُؤْمَرُونَ ﴿٦﴾

**“Yaa warra amantan! Lubbuu keessanii fi maatiiwwan keessan ibidda qoraan ishii namootaa fi dhagaa heddu ta'e irraa eegaa. Ishee irra malaaykota gara jabeeyyi, ciccimoo ta'antu jiru. Waan Rabbiin isaan ajaje hin faallessan; waan ajajamaniis ni hojjatu.”** Suuratu At-Tahriim 66:6

Wanta itti ajajamne hojjachuu fi wanta irraa dhowwanne dhiisun mataa keenya ibidda irraa fageessu dandeenya. Akkasumas, maatii keenya wanta Rabbiin itti ajaje akka hojjatan itti ajajuu fi wanta Rabbiin (Subhaanahu wa ta'aala) irraa dhowwee akka dhiisan gorsuun isaan ibidda irraa rahmata Rabbiitin eegu dandeenya.

## Karaa Istiqamaa itti jabeessan


**1.Qur'aana barachuu, qo'achuu fi hojii irra oolchu**– Qur'aana barachuun, qo'achuu fi hojii irra oolchuf tattaafachuun utubaa istiqamaa (gadi dhaabbannaa) cimsa. Namni akkuma Qur'aanatti

dhiyaatun istiqama isaa jabaataa adeema. Afaan Oromootin hiikni Qur'aana hojjatame xiqqaa haa ta'uu malee, hanga danda'ameen hayyoonni hojjataa jiru. Akka fakkeeniyatti Dr.Muhammad Rashaad Abdullee (Rabbiin rahmata isaaf haa godhu) tafsiira Qur'aana afaan Oromootin qopheessun ummataaf dhiyeesse jira. namni kana dubbisuun itti fayyadamu danda'a. Takkaa online [nuuralhuda.com/tafsiir](http://nuuralhuda.com/tafsiir) dubbisuu danda'a takkaa immoo kitaabicha bituu danda'a. Guyyaa guyyaan sa'aati tokko yoo murteessineef jireenya keenya jijjiramu akka danda'u hin shakkinaa. Atummaan guyyaa guyyaan sa'aati tokko murteessun dubbisi.

**2.Gabaabbinna jireenya tanaati fi haala jireenya Aakhiraa yaadachu**– Gabaabbinna jireenya tanaati fi haala jireenya Aakhiraa kan beeknu Qur'aana yoo qo'annedha. Yommuu hadhaan sabrii daandii haqaa hordofuu sitti dhagahamu, du'a yaadadhu. Jireenyi tee baay'ee xiqqoo fi gabaabdu akka taate beeki. Yoo istiqama irratti duute, jireenyi Aakhiraa jireenya qananii fi zalaalamii akka taate yaadadhu.

Yeroo hundaa kaatimaa keetif sodaachun of sakkata'i. Akkuma Umar ibn al-Khaxxaab (RA) jedhe: Herreegamuun duratti of herreegaa; madaallamuun duratti of madaalaa.” Baditti yoo dabarte dafii gara tawbaa fi araarama Rabbii fiigi. Hojii dirqama kan akka salaata yoo dhiiste dafii jalqabi, duuti yoom akka sitti dhuftu waan hin beeknef.

**3.Hidda onnee jalaa Rabbitti warwachuu** – yeroo hundaa Rabbiin irraa araaramaa fi qajeelinna hidda onnee jalaa itti warwaachun istiqamaa irratti akka cimaniif nama gargaara. Rabbiin (subhaanahu wa ta'aala) ni jedha:


 وَسَارِعُوا إِلَىٰ مَغْفِرَةٍ مِّن رَّبِّكُمْ وَجَنَّةٍ عَرْضُهَا  
 السَّمَاوَاتُ وَالْأَرْضُ أُعِدَّتْ لِلْمُتَّقِينَ

“Gara araarama Gooftaa keessan irraa ta'ee fi gara Jannata warra Rabbiin sodaataniif qophoofta kan bal'inni ishee akka samii fi dachii taatetti ariifadhaa.” Suura Ali-Imraan(3):133

Namni tokko gara araarama Rabbitti kan fiigu, gara Isaatti deebi'uu fi araarama Isa kadhachuuni. Akkasumas gara Jannataa kan fiigu hojii gaggaarii hojjachuu fi hojii badaa irraa dheessuni. Kuni hundi istiqama irratti isa jabeessa.

**4. obsa qabaachu**– hadhaa obsaa yoo liqimsan mi'atti jijjirama. Namni obsaan daandii istiqama irra yoo deme jireenya tanatti tasgabbi fi haala gaariin jiraata. Jireenya dhuftutti immoo qubannaan isaa jannata. Hiika Qur'aana kana keessatti Rabbiin (Azza wa jalla) akkana jedha:

**“Ammas isaan fuula Gooftaa isaanii barbaacha obsan, kan salaatas dhaabanii, waan Nuti isaaniif kennine irraa dhoksanii fi mul’isani arjooman, kan waan gadhee waan gaariin deebisani dha. Warri suni gandi boodaa isaaniif ta’aa dha. Isheen Jannata qubsumaa kan isaan seenaniidha; Abbootii isaanii, niitiwwan isaanii, ilmaan isaanii irraas namni gaarii hojjate (ishee ni seena). Malaaykonnis balbala hundaan isaanitti seenu. “Waan obsitaniif nageenyi isin irratti haa jiraatu; gandi boodaa waa tole!” (jedhu)” Suuratu Ar-Ra’ad 13:22-24**

Kunoo bu’aan obsaa akkana! Hadhaan obsaa mi’aa addaan hin cinnetti nama geessa. Rabbiin Istiqaamaa nuuf haa kennu.

Kitaaba wabii

[Commentary on the Forty Hadith of An-Nawawi](#) jildii 2 fuula 690-694

**Date Created**

May 6, 2017

**Author**

admin